

علامة استفهام

شعر

عزة ابراهيم

(الطبعة الأولى)



دار الفراعنة للنشر والتوزيع والترجمة .

اسم الكتاب : علامة استفهام
اسم المؤلف : عزة ابراهيم
الإخراج الفني : إكرام عيد .
رقم الإيداع : ٢٠١٩/١٥٤٦٧
الترقيم الدولي : ٩٧٨-٩٧٧-٦٦٦٨-٥٣-٢
تصميم الغلاف : مصطفى فاروق
المدير العام : محمد عيد
المدير التنفيذي : عزة ابراهيم

٠٢٣٩٧٦٩١٧٦/٠١٠٠٦١٤١٦٤٥

لا يسمح بإعادة طبع ونشر هذا الديوان أو أي جزء منه بأي شكل من الأشكال أو حفظه أو نسخه في أي نظام إلكتروني أو ترجمته إلى أي لغة أخرى دون الحصول على إذن خطي مسبق من الناشر أو المؤلف وإلا تعرض فاعله للمسائلة القانونية.

كل الحقوق محفوظة

دار الفراعنة للنشر والتوزيع والترجمة .

الآراء الواردة في هذا الكتاب لاتعبر بالضرورة عن دار الفراعنة للنشر والتوزيع

الطبعة

تعريف الشاعرة والادبية والاعلامية

عزه إبراهيم الحسانين

محافظ بورسعيد

دراسات عليا تربية خاصة

عضو نادي ادب بورفؤاد الثقافي

عضو البرلمان المصري


مدرب معتمد من عين شمس

مدرب تنمية بشرية

اخصائي تعديل سلوك

اخصائي تخاطب وعلاج توحّد وتنمية مهارات معتمد

عضو في العديد من الجمعيات الخيرية الاجتماعية



مقدمة

يتزعم الجميع منصة الاحداث فكرا منهم انه انجاز في حد ذاته فيغتر من يغتر بوجوده وليطمح الجميع في المنصة والالتفات الصورة الذاتية له ولهذا كانت كلماتي لابنتي منه الله ولوزتي كونا ع قدر كبير من الثقة ولكن لا تصل حد الغرور فالغرور قاتل للجميع تعاملوا ما هذه الحياة انها تجربة ولكن تجربة نافعه ليست بضاره كوني انتي جميلة في روحك واثقة من ربك كوني حيث يكون طموحك كوني متواضعه وفوق كل شيء كونا اختان مهما تغيرت احداث الحياة سند لبعضكم اوصيكم بهذا كونا حبيبتان دوما من اجلي انا امكم

علامة استفهام

ياريت دامت حكاوينا

وأحلامنا وأمانينا

ولقمة عيش بتجمعنا

وفرشة خيش بتحمينا

وعش ملان بأحلامنا

ونار كاشفة أمانينا

ياريتك كنت ويايا

فى كل كلامى وغنايا

يا روح الروح معاك قلبى

وتكتبنى هنا رواية

ياريت دامت ليالينا

وأحلامنا وأمانينا

وميت عنوان بیسألنی

أنا التایهة فی حكاوینا

بلف وأدور علیك دائما

وحلمی معاك وبيك دائما

فلیه تتعبنى

لیه تبعد

ورحلة الربيع بينا

فى قلبى علامة استفهام

وميت عنوان وألف سؤال

ياريت الحب كان باقى

وكانوا فضلوا أشواقى

ولا غابوا ولا ثانية .

أنا منك

مصر الغالية

دائما عالية

قائمة فى عز الليل تتوضى

وتسبح للخير والرحمة

وتقول هلى يا شمس ولادى

دى الأفراح بتزيد بالفرحة

مصر حضارة وشعب اصيل

وأنا شاربة من نهر النيل

والأهرام والنور بينادى

والعتبة بتقول مووايل

والأوبرا بتعزف على لحنى

وانا لحنى فى الأصل حزين

يا مصر يا بلد الحرية

عمرى فى ايدك سبته هدية

وحارتنا اللى مالىها حكايا

ومودة وأفراح وأسية

حتة م الجنة

انا شاهدة علي نصرك

ولاضمة اسمي من اسمك

حقيقتي انتي يا نور عيني

وعمرى هدية من نبضك

لأنني يا روى بكتبك

رسالة حب بالأحلام

وانا مصرية من نيلك

وايه باقى فى حياتى كلام

انا شاهدة علي نصرك

لأنى حنة جواكي

ومن طينك بنيت قصرك

يامصر قوليلي عمرى بكام

انا عاشقة اغانيكي

يابلدى يا جزء فى كيانى

ونفسى منورة ليكى

وأهلك طفوا أحزانى

وانا شاهدة علي نيلك

وحلوة المية فى سنينك

جميلة الضحكة جواكى

وجوة النني بنشيلك

انا شاهدة عليكى ازاي

يلف الدنيا يا عنيا

وقلبي ملان غناوى الناي

وكل الدنيا حواليا

بنتغرب وبنجيك

اوام نقعد قصاد روحك

ولو تاه الجميع عنك

أنا سجلت أقولك

أنا حنة أكيد منك

كفاية تشعري انك

اميرة والزمن قاسي .



شمس

أم الدنيا طبعاً شاهدة

باللى حصل من ٣٠ عام

قلبك مرسوم زى الوردة

على أحلامنا فى كل مكان

مصر اكتوبر نهر النيل

٦/٣٠ خير دليل

لما زاد الحقد وزادت أحزننا

واللحن حزين

جيشنا قام فك المحابس

على اللى زرع الخوف يا بلدى

والنيران من غير مودة

والأمل كان ليا باصص

والحبايب مستعدة

للهجوم من غير كوارث

المواجهة بينا بدأ

والعدو بقي منها خائف

قالى أنا ولا عمرى هبعء

انتوا مين أنا لسه جالس

واما صحنا الله اكبر

والملايكة جات تكبر

ماهي نصرة ربانية

أهل بلدى مية مية

والحماية ليه وليا

عمرى ما صدقت يومها

أنه راحل غصب عنه

بس جيشنا الله أكبر

كسر الأوهام بفنه

اللي غسلوا لينا عارنا

مش خسارة والله فيهم

ياخدوا نوط الأمتياز

واللى فاز حلمى وحلمك .

وانت عارف مين اللى فاز



بعشقك

حبيبي تعشقك روى

وقلبي حنة من روىك

ولو تعزف على قلبك

هنرسم فجر أنا وانت

ده حبك سر تدميري

وانا ماشية الحياة ميري

لأنك روحى ومشاعرى

وبتمنى حياتى معاك

رمىت حملى على المولى

وقلت خالص هكون ملكك

لقيت الجرح كان أولى

وأيامى بعيد عنك

على قلبك نيران باردة

ولكنك جراح شاردة

بترسمنى نيران ودروع

تطفيها أوام وأهدى

انا أولي

انا عاشقة

أنا محتاجة أيامك

وتكتبنى جمال فنك .

الوطن

الوطن لو مرة ضاع

الجراح بتقول أمين

ونكتب الأحلام فى هجرة

نترسم أولاد سبيل

حيرانين فى كل حنة

بين جميع المطوحنين

الوطن ف قلوبنا رحلة

هو اب وأم أحلى

هو راعي لنا دائما

واللى هو احنا

الوطن هو اللي باقى

كانا ف الهم واحد

اللي شارب واللي ساقى

الوطن روحنا وعيننا

واحنا والله بايدينا

اللي نقدر ننقذه

مهما رحنا ولا جينا

باحلم بيكي

مصر في الربيع عاشقة

حياتنا بكل تفاصيلها

ومهما ف غربتي باشقي

ما هبعد يوم بعيد عنها

انا ف الغربية باتالم

وباحلم يوم أعود ليكي

وطول العمر باتعلم

ومش هنكر حكاويكى

انا لبلدي ح اغني

واقول موال على عنيكى

كلام ف الحب ليه معني

وف الغربة أعيش فيكى

ح اخلي الكل يسمعنا

انا بلادي دي اصل الكون

حضارتها بقالها

ياما سنين

كلامها ف ليلى كله سكون

وانا ف الغربه كلي حنين

وشعب بلادي حلاها

وطول عمره بينيها

ومتغرب وخلاها

عزيزة و ارضه يحميها .



عايزة أرجعك تانى

الغربة مش مرواح بعيد

وأعيش وحيد

فى بلاد غريبة

الغربة فى الأيام أكيد

والحلم يبقى بلاد بعيدة

او يوحشك ضي القمر

الغربة ان العمر يصبح

قلب ذكريات

أو طوب حجر

الغربة مش بس في الوطن

ولا هيا بعد عن السكن

الغربة انك ماتلاقيش

جوه البيوت معنى السكن

الغربة مش احساس لموت

الغربة مش بركان سكوت

الغربة حزن وذكريات

جواك بتلجم فرحتك

الغربة مش بس المكان

الغربة انك من الزمان

بتوه يا صاحبي وتتلفت

الأمن والحب ليه

وازاى أنا هسأل عليه

الغربة فى كل الأماكن

لما يبقى الحزن ساكن

غربة ف الخوف والألام

والغريب لو حتي عاد

بعد صبر وطول عناد

راح يلاقي الكل قافل

قلبه من طول البعاد

هيا دي الغربية بجد

واللي ليها وضعت حد

قلت اهرب منها واجي

ولحبايبي فردت يد .



حبيبى

حبيبي تعالى واحضني

كفاية البعد ده كفاية

وباحلم بيك تكون مني

وتكتب حبنا بداية

ونرسم فجر أيامنا

وأنهى الحزن جوايا

بأشوفك ليه فى كل مكان

هدية روح لقلب حزين

لو ساكن هنا جنبى

هألون روحى غنوة نيل

والبحر بيحضن أحلامنا

انا جاية عشانك



عاشقك أنا

كتبتك جوه ميت دفتر

وشفتك في وشوش الناس

حبيبي وعمرى متسطر

وعايشة بيك ميتين احساس

كتبتك سطر في الكراس

وقولتلك قصاد الناس

وقلت كمان

ميتين عنوان

حبيبي تعالى قربلي

وخذني في حضك اكتبني

على كل السنين غنوة

عروسة توبها والطرحه

بياضهم فى العيون فرحة

بلابل ف السما سارحة

حفظتك اية ف كتابي

وحلم جوه محرابي

وانا وياك يا نور عينى

يا مالك كل تكويني

دقت المر عشانك

يا ريت أتوضي بحنانك

وعشقتك هو ذا المفتاح

عشقتك كلمة مسموعة

حاجات تايهة وممنوعة

عشان تلضمنى بيبك وحدى

وراسك تبقي مرفوعة

انا العاشقة سمار روحك

وجرحى دوا لجروحك

ببقي يا حبيبي نهار

لاموني الناس علي حبك

وقالوا اتجن في قربك

انا العاشقة سمار روحك

وحاضنة قلبي في قلبك .



ماضى وحكاية

لسه فاكر اللى فات

دول شويه ذكريات

الدبله لسه فى ايدى

كنت فاكر اناك يوم حبيبى

عمرى مهرجع أفكر

فيك ثواني

قلبي مات

والذنب ذنبك

واللى جاني

جرحك انت

يا اللى قلبي هان عليك



قلبي مات

لما جيت فى يوم عليه

لسه فاكرة اللى فات

قلبي كان بين ايديه

والسكات

والأمال والذكريات

فجأة

نور الصباح

والجراح


شمعة فى ايديه

حبى كان أكبر خساره

والهدية نمثلية

كنت بطلها بجدارة

والوعود كانت أونطة



ابنى أسد

دروب الدنيا واخذانى

لعالم تانى

وصوت الضحكه مسموعه

واه فى قلبى مكتومه

حكايه وأصل من تانى

كأنى فى عالم تانى

قضيه فيها أنا

ولا انت الجانى

متهم والتهمة منعانى

ومع صوت الرصاص سامع أم بتنادى

ابنى أسد واقف على الحدود بيعادى


ويقهر اى ارهاب او عدو لبلادى

الله عليك يا ولدى رببت أسد فى بلادى

ساند ظهري وحامى ارضى وولادى

ليك حوريه فى الجنه

تفرح وتعيش وتتهنى



نهاية حب

انت مين

علشان تموت ضحكتي

كنت النهار

فى سكتي

والحلم كان

معاك كمان

لكن خلاص

صحيت قى قلبى

دمعتى

قولى انت مين

هلشان أتوب

مرض القلوب

جوايا

يحكى على اللي فات

والذكريات

كانت نهاية

قلب مات

مش قادرة أقولك

أنا قلبى مال لك

مبقاش خلاص

قادر يعيش

وازاى يعيش

وانت اللى قلبك

عنه راح

نسج الجراح

على دمعة سودة

من السنين

قولى انت مين

انت مين

كنت النهار

والحلم كان

معاك كمان

لكن خلاص

صحيت قى قلبى

دمعتى

قولى انت مين

علشان أتوب

مرض القلوب

جوايا

يحكى على اللى فات

والذكريات

كانت نهاية

قلب مات

مش قادرة أقولك

أنا قلبي مال لك

مبقاش خلاص

قادر يعيش

وازاى يعيش

وانت اللى قلبك

عنه راح

نسج الجراح

على دمة سودة

من السنين

قولى انت مين

.

حزن

لسه حزنى

جوه منى

بيساومنى على الجراح

واللى زاد

الخوف

ظالمنى

م اللى عدى

وم اللى راح

حبنى ليك

كان ده نهايتى

والحروف الحلوة دابت

لما كفت حكايتي

كل كلمة جميلة ماتت

والنهاية

حزن طاغى

نورى بيودع مكانى

وانت واقف زى ما انت

من بعيد

بتعيد حكايتي

بين موجه وموجه

إحساس بياخذنى

مع أول موجه

عديت علي قلبي

وسرقتة ف ثانيه

والموجه الثانيه

حسيت بالخوف

لتكون الموجه

حلم وتخاريف

مع انى قويه

ومخوفتش يوم

من هز الموج
مع ذلك خوفت
وبرغم ان انا بعشق بحرى
والرمله بتلمع على بابه
والصدف اللي بيوجع رجلي
وكأنى حد من اصحابه
وانا حافيه علي الميه وبحرى
انا قلبي اتعلق بحبالك
لا انا قادره اسيبك ولا افارق
للموجه ولا قادره اتخلى
بتحلى بحودة اعتابك

وبخاف جدا تفتح بابك
واغرق ف الهوجه وتنساني
ف بررب الشط واسراره
انا مش ساحره ولا جنيه
انا واحده بتحلم زى الناس
تقف وحديها على الميه
وتشوف المركب وتنادي
يا مركب ما تفك حبالك
لا للهوي دوبني في اوصاله
ولا سابنى اعيش ويا وصاله

فهرس الكتاب

م	عنوان القصيدة	رقم الصفحة
١	تعريف الشاعرة	٣
٢	مقدمة	٥
٣	علامة استفهام	٦
٤	مصر الغالية	١١
٥	حثة من الجنة	١٥
٦	شمس	٢٢
٧	بعشقتك	٣٠
٨	الوطن	٣٤
٩	بحلم بيكى	٣٨
١٠	عايزة أرجعلك تانى	٤٤
١١	حبيبى	٥٢
١٢	عاشقاك أنا	٥٦
١٣	ماضى وحكاية	٦٤
١٤	ابنى أسد	٧٢
١٥	نهاية حب	٧٦
١٦	حزن	٨٨
١٧	بين موجة وموجة	٩٢

تمت